

UPRAVI DRUŠTVA

Broj:U.D.01.3.2.-18242/18
Sarajevo,03.12.2018. godine

Na osnovu člana 70. stav (3) Zakona o javnim nabavkama ("Službeni glasnik BiH" broj: 39/14), člana 45. Statuta "JP BH POŠTA" d.o.o. Sarajevo, i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, broj: U.D-01-3.2-5233/15 od 04.03.2015. godine, te prijedloga - preporuke Komisije za nabavku usluge primopredaje pismonosnih, paketskih i EMS zaključaka u otpremi i prispjeću međunarodnog poštanskog prometa u 2019. godini, broj: 07.4-13.73-14688-17/18, od 29.11.2018.godine, Uprava Društva na svojoj 183. elektronskoj sjednici održanoj 03.12.2018. godine, d o n o s i:

**O D L U K U
O IZBORU NAJPOVOLJNIJEG PONUĐAČA****I**

U postupku javne nabavke usluge primopredaje pismonosnih, paketskih i EMS zaključaka u otpremi i prispjeću međunarodnog poštanskog prometa na Međunarodnom aerodromu Sarajevo u 2019. godini, ovom odlukom se vrši izbor najpovoljnijeg ponuđača: **„JP MEĐUNARODNI AERODROM SARAJEVO“ d.o.o. Sarajevo, sa vrijednošću ugovora od 112.000,00 KM bez uračunatog PDV-a, odnosno sa ukupnom vrijednošću ugovora od 124.240,00 KM sa uračunatim PDV-om.**

II

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Izabrani ponuđač nije dužan dostaviti dokaze predviđene članom 45 Zakona o javnim nabavkama u formi i sadržaju kako je to zahtijevano u tenderskoj dokumentaciji obzirom da je uz ponudu istovremeno dostavio i tražene dokaze.

O B R A Z L O Ž E N J E

Na osnovu Odluke o pokretanju postupka javne nabavke **usluge primopredaje pismonosnih, paketskih i EMS zaključaka u otpremi i prispjeću međunarodnog poštanskog prometa na Međunarodnom aerodromu Sarajevo u 2019. godini**, broj: U.D.01-3.2-14907/18 od 01.10.2018.godine i Rješenja Generalnog direktora za provođenje postupka predmetne nabavke (u daljem tekstu: Komisija), broj: 01-13.73-14688-2/18 od 01.10.2018.godine proveden je otvoreni postupak javne nabavke usluge primopredaje pismonosnih, paketskih i EMS zaključaka u otpremi i prispjeću međunarodnog poštanskog prometa na Međunarodnom aerodromu Sarajevo u 2019. godini i to objavljivanjem Obavještenja o nabavci na Portalu javnih nabavki, broj: 238-1-2-764-3-172/18 od 06.11.2018.godine.

Istovremeno, ugovorni organ je omogućio neograničen i direktan pristup tenderskoj dokumentaciji putem Portala javnih nabavki, te se ista nije mogla preuzimati odnosno dostavljati na druge načine propisane Zakonom o javnim nabavkama.



Javno otvaranje ponuda u postupku predmetne nabavke održano je dana 29.11.2018.godine sa početkom u 12:15h u prostorijama Generalne direkcije "JP BH POŠTA" d.o.o. Sarajevo, o čemu je sačinjen zapisnik o otvaranju ponuda broj: 07.4-13.73-14688-16/18, koji predstavlja sastavni dio ovog Zapisnika-Izvjешtaja. Javnom otvaranju ponuda nije prisustvovao niko od predstavnika ponuđača koji je dostavio ponudu.

Na Protokol ugovornog organa, do roka određenog za prijem ponuda, pristigla je ponuda slijedećeg ponuđača, i to:

1. „JP MEĐUNARODNI AERODROM SARAJEVO“ d.o.o. Sarajevo

Komisija je prilikom otvaranja ponuda pročitala podatke o nazivu i sjedištu ponuđača, ukupnu cijenu ponude i eventualni popust, ne praveći pri tome uvid u sadržaj i validnost dostavljene dokumentacije.

Nakon izvršenog otvaranja ponude Komisija je pristupila analizi dokumentacije priložene uz ponude u smislu provjere njene validnosti, obzirom na zahtjeve ugovornog organa iskazane u tenderskoj dokumentaciji, odnosno vrednovanja ponuda, a u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, te je tom prilikom konstatovala sljedeće:

- Ponuda ponuđača „**JP MEĐUNARODNI AERODROM SARAJEVO**“ d.o.o. Sarajevo sa ukupnom vrijednosti ponude bez uračunatog PDV-a od **112.000,00 KM** je kompletna i u potpunosti ispunjava sve uslove ugovornog organa iz tenderske dokumentacije, te je kao takva **ocijenjena prihvatljivom** za ugovorni organ.

Na osnovu navedenog činjeničnog stanja Komisija konstatuje da je u postupku javne nabavke usluge primopredaje pismonosnih, paketskih i EMS zaključaka u otpremi i prispjeću međunarodnog poštanskog prometa na Međunarodnom aerodromu Sarajevo u 2019. godini od ukupno 1 (jedne) pristigle ponude, ponuda ponuđača: „**JP MEĐUNARODNI AERODROM SARAJEVO**“ d.o.o. Sarajevo sa ukupnom vrijednosti ponude bez uračunatog PDV-a od **112.000,00 KM** ispunila sve formalno-pravne, tehničke i ekonomske uslove ugovornog organa, te je u tom smislu prihvatljiva za ugovorni organ i može biti predmet vrednovanja te je samim tim i proglašena kao prvoplasirana.

Obzirom da ponuda ponuđača „JP MEĐUNARODNI AERODROM SARAJEVO“ d.o.o. Sarajevo u potpunosti odgovara traženim tehničkim zahtjevima ugovornog organa, i da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

